



Sabtu, 05 Oktober 2024

**Ogen: Sakaria 12:10-14**



*Kininggiten Ertoto*



**E**rtoto e me sada hubungan ras iketen si nteguh antara bangsa Dibata ras Dibata. Alu ertoto teridah maka bangsaNa nggeluh erpenalemen man baNa saja. E maka kalak si ertoto (erlebuch) me singena ate Dibata. Kalak sierlebuch, kalak singaku kelepaken ras kinilangasupen me si mekuah ate Dibata. Seh asa genduari, kegeluhen kalak si tek arus min nggeluh i bas pertoton. Alu ertoto kalak si tek ncidahkan kegeluhen pertendin si mehuli ras Dibata. Kune ia lanai ertoto, berarti lanai me ia nggeluh ernalem man Dibata. Enggo diri ras gegehna saja ngenca ipenalemna. Bage me bangsa Israel seh asa genduari ihubungken ras Daud, raja si ipilih Dibata, man baNa ras kesusurena me ibereken Dibata kuasa guna merentah bangs si mbelin e.

Arah renungenta paksa enda, icidahken Dibata denga nge perpadanen sienggo pernah iturikenNa. Kerna nubuatan raja Penampat nandangi bangsa enda. I bas si e isingetken maka kesusuren Daud ras kalak Jerusalem idemi Dibata alu kesah perkuah ate ras kesah kininggiten ertoto. Ertina, maka manusia labo ngasup ngelakoken si e kerina adi la kin isampati kesah Dibata. Kalak si idemi Kesah Dibata ngenca nandai Dibata dengen rnalem man baNa. Kesah e ngajari, mabai ras mpengasup ia ertoto. Bage me seh asa genduari, kalak sitek arus tetap idemi Kesah si badia. Ia ngajari ras mpengasup kalak si tek nggit ertoto. Sabab ietehna la lit gegehna.

Bageme ibas dirinta, sendalanan nge kedisiplinen ertoto ras geluh siidemi kesah si badia. Janah enda me tanda-tanda kesusuren kalak sierkiniteken. Kalak si ndalani geluhna iteruh perkuah ate Dibata. Etoto me dalanna maka terapul kita i bas kerina kecibal geluh si bentasi kita paksa enda. Paksa-paksa si la bagi ukur, si mbelin perbeben ras tantangan geluh. I bas kerina paksa e ngasup kita ndalanisa.